



Saopštenje za javnost

ZA OBJAVU!

PREDSTAVLJENA ANALIZA O KAŽNJAVANJU RATNOG SEKSUALNOG NASILJA U BOSNI I HERCEGOVINI

(Sarajevo, 19. decembar, 2023) Danas je u Sarajevu predstavljena analiza [Kažnjavanje ratnog seksualnog nasilja u Bosni i Hercegovini](#) TRIAL International-a, koja je nastavak izvještavanja o kazenoj politici za zločine ratnog seksualnog nasilja počinjenih na prostoru Bosne i Hercegovine u periodu od 1992-95 godine, a koju je ova organizacija započela objavljivanjem prvog izvještaja 2017. godine.

“Analizirali smo 48 predmeta koji su se odnosili na ratni zločin silovanja i to na temelju pregleda 84 presude donesene na državnom i entitetskom nivou u periodu između 2017. i 2023. godine. Sudovi prilikom odmjeravanja kazne počiniteljima, dužni su primijeniti i odredbu koja se odnosi na uzimanje u obzir olakšavajućih i otežavajućih okolnosti vezanih za počinjeno krivično djelo i počinitelja“, naglasila je **dr Olivera Simić**, vanredna profesorica međunarodnog prava i tranzicijske pravde sa Griffith Univerziteta iz Australije i autorica Analize, te dodala da još uvijek u značajnoj mjeri postoji pogrešna primjena olakšavajućih i otežavajućih okolnosti, koja rezultira nedosljednim odmjeravanjem kazni, nesrazmjerno niskim kaznama te, u konačnici, umanjenom pravdom za žrtve.

„Aktuelna Analiza o kažnjavanju ratnog seksualnog nasilja ponovo ukazuje na diskrepanciju između težine zločina i izrečene sankcije. Ovako narušen omjer dalje produbljuje patnju preživjelih ali i utiče na zacjeljenje društva te napredak istog u pogledu procesa suočavanja s prošlošću. Pružene smjernice za unapređenje trenutne prakse mogu biti odličan alat u rukama predstavnika pravosuđa u Bosni i Hercegovini“, objasnila je **Ajna Mahmić**, pravna koordinatorica TRIAL Internationala i urednica Analize.

Da bi se unaprijedila praksa kažnjavanja počilaca ratnog seksualnog nasilja, potrebno je poduzeti brojne mjere koje su detaljno navedene u izvještaju, a posebno imati u vidu da je svrha krivičnih sankcija zaštita i satisfakcija žrtve.

Analiza *Kažnjavanje ratnog seksualnog nasilja* izrađena je u sklopu projekta koji finansira fondacija Kvinna til Kvinna.

kraj